

culis non terminalibus, sed axillaribus; 4. in stipulis integerrimis longo acumine subulato terminatis.

91.

## LACTUCA WALLROTHII SPR.

L. foliis radicalibus runcinatis, caulinis linearibus sagittatis acuminatis carina nudis margine scabris integerrimis, calycibus sessilibus.

Habitat ad vias prope Halam: Wallroth.

*Planta* dodrantalibus. *Radix* lignosa, fibrosa. *Caules* plures ex una radice, simplices, adscendentes, teretes, glabri, pallidi. *Folia* radicalia runcinata, laciniis omnibus acutis; caulina sessilia, sagittata, linearia, nervo valido albido percursa, erecto-patentia, acuminata, integerrima, margine scabra, carina nuda, pollicem longa, lineam fere lata. *Calyces* alternatim sessiles, remoti, cylindrici, fusci, squamis imbricatis, obtusiusculis. *Corollulae* lingulatae, flavae, denae fere in quovis calyce. *Pappus* simplex, stipitatus. *Receptaculum* nudum.

Lactuca saligna, quae proxima, differt foliis carina aculeatis, radicalibus pinnatifidis.

L. segusiana Balb. differt foliis latioribus, lanceolato-linearibus enerviis, et ramis laxis unifloris. Eodem modo et differt L. tenerrima Pourret apud Willd. spec. pl. 3. 1529.

91.

## CREPIS GERNUA TENOR. in lit.

Cr. foliis radicalibus obovatis dentatis sublyratis, caulinis amplexicaulibus sagittatis profunde dentatis, calycibus cernuis pedunculisque glabris.

Habitat in Calabria.

*Planta* pedalis. *Radix* simplex, fusiformis, an-

qua. *Folia radicalia* obovata, utrinque glabra, profunde dentata, nonnulla lyrata, in petiolum decurrentia, pollicem longa, semipollicem lata: caulina amplexicaulia, profunde dentata, basi auriculis divaricatis acutis instructa. *Caulis* ramosus, glaberrimus. *Pedunculi* uniflori, foliolis linearibus, squamaeformibus praediti. *Anthodium* subumbellatum, calyculatum, ante anthesin incanum, dein viride, glaberrimum, post anthesin squamulae suburgidae. *Calyculus* brevissimus, squamis suburatis subpatentibus. *Corollulae* luteae. *Pappus* simplex capillaris. *Receptaculum* nudum.

93.

## CREPIS ADONIS, SPER.

Cr. foliis pinnatis, foliolis linearibus multifidis glanduloso-pilosis, caule stricto calycibusque tomentosis.

*Belirinia chondrilloides* Sieber.

Habitat ad Tergestum.

*Planta* pedalis, cubitalis. *Folia* pleraque radicalia, caulina bina aut terna, omnia pinnata, radicalia petiolata, caulina sessilia, faciei singularis, quam in paucis compositis observamus: foliola linearia, flexuosa, integerrima, cuspidata, bi-trimultifida, glandulis pedicellatis flavis sparsis obsita. *Caulis* strictus, inferne glanduloso-hispidus, superne tomentosus, aphyllus. *Calyces* subcorymbosi, albo-tomentosi; *calyculus* appressus. *Corollulae* luteae. *Pappus* simplex capillaris. *Receptaculum* nudum.

94.

CARDUUS MACROPTERUS FISCH. *in lita*

C. foliis decurrentibus pinnatifidis inermibus subtus tomentosis, laciniis linearibus integerrimis divergentibus, pedunculis corymbosis calycibusque reflexis nudis.